

Original: engleski



GK EUFOR-a
URED ZA ODNOS S JAVNOSTI
Baza BUTMIR
SARAJEVO
BiH



SAOPŠTENJE ZA JAVNOST

EUFOR NAJAVIO GODIŠNJU VJEŽBU BRZI ODGOVOR

13. august 2024.

MOŽE SE OBJAVITI ODMAH

POČETAK

EUFOR, Sarajevo – Godišnja vježba EUFOR-a “Brzi odgovor” bit će održana od 24. augusta do 16. septembra širom Bosne i Hercegovine.

Komandant EUFOR-a generalmajor László Sticz održao je danas, 13. augusta 2024., zajedno sa načelnikom Zajedničkog štaba Oružanih snaga Bosne i Hercegovine (OS BiH) generalpukovnikom Gojkom Kneževićem konferenciju za medije s ciljem informiranja građana Bosne i Hercegovine o godišnjoj vježbi EUFOR-a “Brzi odgovor”.

U godišnjoj vježbi EUFOR-a sudjelovat će snage EUFOR-a iz 23 zemlje već raspoređene u BiH, koje će privremeno biti ojačane rezervnim snagama iz Austrije, Mađarske, Rumunije i međunarodnim mirovnim snagama sa Kosova (KFOR – *Kosovo Forces*). Svrha ove vježbe je da pokaže spremnost EUFOR-a i potvrdi njegovu stalnu podršku bosanskohercegovačkim partnerima u održavanju sigurnog i stabilnog okruženja u Bosni i Hercegovini.

Tokom ove opsežne obuke, EUFOR će za izvršenje svojih aktivnosti imati podršku OS BiH, koje će osigurati lokacije za izvođenje obuke.

U periodu od 24. augusta do 16. septembra, stanovnici Bosne i Hercegovina mogu očekivati pojačano kretanje vojnika, patroliranje i ostale aktivnosti, kao i prevoz opreme rezervnih snaga i letove helikoptera širom Bosne i Hercegovine, uglavnom u području Čapljine, Glamoča, Livna, Orašja, Pazarića, Sarajeva, Tuzle, Ustikoline, kao i na graničnim prelazima Brod, Klobuk, Metaljka i Svilaj. Neke od ovih aktivnosti mogu biti većeg obima ili se odvijati tokom noći.

Original: engleski

EUFOR poduzima sve mjere kako bi vježba u što je moguće manjoj mjeri uticala na javnost. Lokalne vlasti i stanovništvo će putem naših timova za vezu i osmatranje i saopštenja za javnost biti na vrijeme obaviješteni o svakom kretanju EUFOR-a u njihovoj blizini.

EUFOR je snažan, sposoban i pouzdan partner i ostaje posvećen pružanju podrške bosanskohercegovačkim vlastima pri održavanju sigurnog i stabilnog okruženja.

KRAJ

Ured za odnose s javnosti EUFOR-a

GK EUFOR-a, Baza Butmir, Sarajevo

Tel. +387 (0) 33 495 393 (BHS)

Tel. +387 (0) 33 495 216 (ENG)

euforpio@eufor.europa.eu

www.euforbih.org